



# SLUŽBENE NOVINE BOSANSKO-PODRINJSKOG KANTONA GORAŽDE GORAŽDE

Godina XVI–Broj 5

05.april/travanj 2013.  
GORAŽDE

Akontacija za II kvartal 2013.godine  
uključujući i pretplatu za “Službene  
novine BPK-a Goražde”– 40 KM

**327**

Na temelju članka 33.a Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00 i 5/03) **d o n o s i m:**

## **U K A Z O PROGLAŠENJU ZAKONA O JAVNO-PRIVATNOM PARTNERSTVU BOSANSKO- PODRINJSKOG KANTONA GORAŽDE**

Proglašava se Zakon o javno-privatnom partnerstvu Bosansko-podrinjskog kantona Goražde, koji je donijela Skupština Bosansko-podrinjskog kantona Goražde na 20. redovitoj sjednici, održanoj 3. travnja 2013. godine.

Broj:02-02-153/13  
03.04.2013. godine  
G o r a ž d e

**P R E M I J E R**  
Emir Frašto, v.r.

**328**

Na temelju poglavlja IV. odjeljak A. članka 23. točka b) Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00 i 5/03) i članka 106. Poslovnika Skupštine Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 10/08), Skupština Bosansko-podrinjskog kantona Goražde, na 20. redovitoj sjednici, održanoj 3. travnja 2013. godine, **d o n o s i:**

## **Z A K O N O JAVNO - PRIVATNOM PARTNERSTVU BOSANSKO- PODRINJSKOG KANTONA GORAŽDE**

### **POGLAVLJE I - OPĆE ODREDBE**

#### **Članak 1. (Predmet Zakona)**

Ovim se Zakonom određuje po-

jam i predmet javno-privatnog partnerstva i drugi osnovni pojmovi, utvrđuje cilj i načela, uređuju modeli javno-privatnog partnerstva u Bosansko-podrinjskom kantonu (u daljnjem tekstu: Kanton), odobravanja projekata javno-privatnog partnerstva u oblastima koje su u nadležnosti Kantona i općina na području Kantona, postupak odabira privatnog partnera, nadzor nad provedbom projekata JPP-a, pravna zaštita, prava i obveze javnih i privatnih partnera te druga pitanja od značaja za javno-privatno partnerstvo.

**Članak 2.**  
**(Definiranje pojma i predmeta javno-privatnog partnerstva)**

- (1) Javno-privatno partnerstvo (u daljnjem tekstu: JPP), u smislu ovoga Zakona je dugoročan partnerski odnos između javnog i privatnog partnera koji se zasniva s ciljem provedbe projekta JPP-a.
- (2) Projekat može imati status JPP-a ako ima sljedeća obilježja:
  - a) da je njegov cilj gospodarska ili društvena djelatnost, izvođenje radova ili poboljšanje pružanja usluga u oblasti koja je u nadležnosti javnog tijela ili u oblasti u kojima postoji javni interes javnog partnera;
  - b) da privatni partner snosi dio rizika vezanih za provedbu projekta;
  - c) da privatni partner financira provedbu projekta, u cjelosti ili djelimično.
- (3) Projektima javno-privatnog partnerstva ne mogu se smatrati projekti:

- a) u kojima privatni partner ne sudjeluje u financiranju i snošenju rizika;
- b) projekti kojima je predmet isključiva isporuka robe ili isključivo koncesija za gospodarsko korištenje nekog dobra.

**Članak 3.**  
**(Cilj)**

Cilj ovog Zakona je da omogućiti transparentan, nediskriminatoran i jasan pravni okvir u zakonom određenom postupku utvrđivanja uvjeta pod kojima domaće ili strane pravne osobe mogu provoditi projekte JPP-a sa javnim partnerima u Kantonu.

**Članak 4.**  
**(Načela)**

- (1) U provedbi ovog Zakona javni partner je dužan poštovati sljedeća načela: načelo zaštite javnog interesa, načelo slobodnog nadmetanja, načelo jednakog tretmana, načelo uzajamnog priznavanja, načelo srazmjernosti, načelo transparentnosti, načelo zaštite okoliša, načelo efikasnosti.
- (2) Načela iz stavka 1. ovog članka imaju sljedeće značenje:
  - a) „zaštita javnog interesa“ znači da pri odlučivanju o odobravanju projekata treba uzeti u obzir:
    - 1) potrebu financiranja od strane privatnog partnera u cilju umanjenja ekonomskog opterećenja ili finansijskog udjela javnog tijela,
    - 2) potrebu korisnika za poboljšanjem usluga,

- 3) potrebu za korištenjem posebnih znanja i iskustava;
- b) „načelo slobodnog nadmetanja“ znači da poziv na dostavu ponuda mora sadržavati jednake uvjete i objektivne kriterijume kako bi se osigurali uvjeti da u postupku odabira privatnog partnera učestvuje maksimalan broj ponuđača koji su u stanju provesti projekat, kao i da se spriječi stvaranje monopola ili oligopola;
- c) „jednak tretman“ znači zabranu bilo kakve diskriminacije po bilo kom temelju koji nije objektivno opravdan;
- d) „uzajamno priznanje“ znači da javno tijelo prihvata tehničke standarde, stručne kvalifikacije i certifikate koji se koriste u državama članicama Europske unije;
- e) „srazmjernost“ znači da svaka mjera koja se preduzme za odabir privatnog partnera bude neophodna i odgovarajuća za postizanje traženog cilja, da ima što manji uticaj na ekonomsku aktivnost i da se tijekom procedura ne nameću pretjerani, nesrazmjerni tehnički, profesionalni ili finansijski uvjeti;
- f) „transparentnost“ znači da javno tijelo koje namjerava izvršiti odabir privatnog partnera za određene projekte, te namjere javno objavi da bi se osigurali uvjeti za neometano natjecanje;
- g) „načelo zaštite okoliša“ znači da se kod planiranja i provedbe proje-

kata u obzir uzima zaštita prirodnog i povjesnog okruženja da bi se za naredne generacije očuvali ekološki balans i prirodni resursi;

- h) „efikasnost“ znači da se kod planiranja i odobravanja projekta u obzir uzima najbrže, najpovoljnije i najkvalitetnije ostvarivanje ciljeva u oblasti koja je u nadležnosti javnog tijela.

#### **Članak 5. (Temeljni pojmovi)**

Pojedini pojmovi u smislu ovoga Zakona imaju sljedeća značenja:

- a) *Projekat* čini niz međusobno povezanih aktivnosti koje se odvijaju utvrđenim redoslijedom radi postizanja jasnih ciljeva unutar određenog vremenskog razdoblja i određenih finansijskih sredstava.
- b) *Projekat JPP-a* je projekat koji se provodi po nekom od modela JPP-a, a koji na temelju ovog Zakona odobrava nadležna tijelo i koji se zbog svojih obilježja, vremenskog karaktera i djelimičnog ili potpunog financiranja od strane privatnog partnera realizuje na način propisan ovim Zakonom.
- c) *Ugovorno javno-privatno partnerstvo* je model JPP-a u kojem se međusobni odnos javnog i privatnog partnera uređuje ugovorom o JPP-u.
- d) *Ugovor o JPP-u* je temeljni ugovor sklopljen između javnog i privat-

- nog partnera, ili javnog partnera i gospodarskog društva posebne namjene (u daljnjem tekstu: DPN), kojim se u svrhu provedbe projekata JPP-a uređuju prava i obveze ugovornih strana.
- e) *Statusno javno-privatno partnerstvo* je oblik JPP-a utemeljen na suvlasničkom odnosu između javnog i privatnog partnera u zajedničkom gospodarskom društvu, koje je nositelj provedbe projekta JPP-a.
- f) *DPN* je gospodarsko društvo koje može utemeljiti privatni partner u svrhu sklapanja ugovora o JPP-u i/ili provedbe projekta JPP-a.
- g) *Javni partner* je Kanton i općine sa područja kantona (u daljnjem tekstu: jedinica lokalne samouprave).
- h) *Javna tijela* su organi uprave, upravne organizacije, javna poduzeća i ustanove čiji je utemeljitelj Kanton ili jedinica lokalne samouprave, kao i gospodarsko društvo u vlasništvu ili većinskom vlasništvu Kantona ili jedinice lokalne samouprave.
- i) *Privatni partner* je domaća ili strana privatna pravna osoba, koja je odabrana na temelju provedenog postupka u skladu sa ovim Zakonom i koji s javnim partnerom sklapa ugovor o JPP-u, ili u tu svrhu utemeljuje DPN, ili s javnim partnerom utemeljuje suvlasnički odnos u zajedničkom gospodarskom društvu.
- j) *Spisak projekata* je dokument o projektima koji imaju obilježja JPP-a.
- k) *Postupak izbora privatnog partnera* je postupak koji se provodi na temelju odredaba ovog Zakona, Zakona o javnim nabavkama i Zakona o koncesijama, u ovisnosti o oblasti na koje se projekat JPP odnosi.
- l) *Javni interes* u smislu odredbi ovog Zakona predstavlja generisanje dodatne vrijednosti uz povećanje efikasnosti, ekonomičnosti i rentabilnosti u pružanju javnih usluga i razvoj inovacija.

## POGLAVLJE II - UGOVORNO JAVNO-PRIVATNO PARTNERSTVO

### Članak 6. (Ugovor o JPP-u)

- (1) Ugovorno javno-privatno partnerstvo je model JPP-a u kojem se međusobni odnos javnog i privatnog partnera uređuje ugovorom o JPP-u.
- (2) Ugovor o JPP-u se sklapa u pisanom obliku i na određeno vrijeme, s tim da to razdoblje ne može biti kraće od jedne, a niti duže od trideset godina, pri čemu se nakon isteka ugovorenog roka može zaključiti novi ugovor u skladu sa članom 16. ovog Zakona.
- (3) Vlada Kantona podnosi Skupštini Kantona prijedlog ugovora na suglasnost prije sklapanja istog, odnosno načelnik općine nacrt ugovora na suglasnost podnosi Općinskom vijeću.

- (4) Ugovor o JPP-u obvezno sadrži:
- a) prava i obveze javnog i privatnog partnera kao ugovornih strana,
  - b) svrhu i predmet ugovora,
  - c) sredstva i imovinu koju na raspolaganje daje javni partner,
  - d) jasnu identifikaciju rizika i podjelu rizika između javnog i privatnog partnera,
  - e) način i uvjete osiguranja financijske konstrukcije projekta kao i uvjete pod kojim financijske institucije mogu učestvovati u projektu,
  - f) minimalne standarde koji će se primijeniti tijekom projektiranja, standarde prostora, kvalitet usluga, kao i druge zahtjeve za sprovođenje projekta,
  - g) način plaćanja, te uvjete za određivanje i usklađivanje naknada,
  - h) potpunu transparentnost i obvezu javnog partnera da objavi podatke koji se odnose na vođenje JPP projekta,
  - i) pravo javnog partnera na nadzor tijekom sprovođenja projekta i provedbe ugovora,
  - j) vrijeme trajanja, kao i uvjete za obnavljanje ugovora,
  - k) definisanje vlasništva po prestanku ugovora,
  - l) sankcije i naknade za neispunjenje ugovornih obveza,
  - m) uvjete za raskid ugovora i postupak u slučaju raskida ugovora prije datuma prestanka utvrđenog ugovorom,
  - n) način rješavanja sporova,
  - o) mjere za omogućavanje financiranja projekta,
  - p) opis događaja koji se smatraju višom silom,
  - r) ostale elemente bitne za predmet JPP-a.

#### **Članak 7.**

##### **(Upis sklopljenih ugovora o JPP-u)**

- (1) Ugovor o JPP-u sa dodacima koji čine njegov sastavni dio, kao i sve izmjene ugovora i njegovi dodaci upisuju se u Registar ugovora o JPP, koji se vodi kod Ministarstva za financije.
- (2) Ministarstvo za financije uz suglasnost Vlade Kantona donosi pravilnik o sadržaju i načinu vođenja Registra ugovora o JPP, kojim će se odrediti postupak upisa sklopljenih ugovora o JPP-u u Registar ugovora o JPP-u (u daljnjem tekstu: Registar), kao i sadržaj i obim javnosti dostupnih elemenata sklopljenih ugovora o JPP-u, pridržavajući se pri tom propisa o zaštiti intelektualnog vlasništva, osobnih podataka, tajnosti podataka i poslovne tajne.

- (3) Registar iz stavka (1) ovog članka je javan.

**Članak 8.**  
**(Gospodarsko društvo posebne namjene/DPN)**

- (1) DPN može sudjelovati isključivo u provođenju projekta JPP-a za čiju provedbu je utemeljen.
- (2) Kada privatni partner utemeljuje DPN, javni partner ugovor o JPP-u može sklopiti s DPN-om.
- (3) DPN se utemeljuje sukladno odredbama zakona kojim se uređuje utemeljenje i poslovanje gospodarskih društava.
- (4) Utemeljitelj DPN-a obavezan je garantirati za obveze DPN-a.

**POGLAVLJE III – STATUSNO JAVNO-PRIVATNO PARTNERSTVO**

**Članak 9.**  
**(Zajedničko gospodarsko društvo)**

- (1) Statusno javno-privatno partnerstvo je oblik JPP-a koji se temelji na suvlasničkom odnosu javnog i privatnog partnera u zajedničkom gospodarskom društvu koje je nositelj provedbe projekta JPP-a, pri čemu se taj odnos između javnog i privatnog partnera u zajedničkom društvu može utemeljiti na utemeljiteljskim ulozima u novoutemeljenom društvu, ili na otkupu vlasničkog udjela u postojećem gospodarskom društvu.
- (2) Zajedničko gospodarsko društvo kao nositelj provedbe projekta JPP-a iz

stavka (1) ovog članka na razini Kantona može se utemeljiti samo na temelju prethodnog odobrenja Skupštine Kantona, a na razini jedinice lokalne samouprave na temelju prethodnog odobrenja nadležnog općinskog vijeća (u daljnjem tekstu: vijeće lokalne samouprave).

- (3) Na zajedničko gospodarsko društvo primjenjuju se odredbe zakona kojim se uređuje utemeljenje i poslovanje gospodarskih društava, kao i odredbe ugovora o ortaštvu.

**Članak 10.**  
**(Ugovor o ortaštvu)**

Nakon provedenog postupka izbora privatnog partnera, javno tijelo i izabrani privatni partner sklapaju ugovor o ortaštvu, kojem je cilj uspostava zajedničkog gospodarskog društva iz članka 9. ovog Zakona, a u svrhu provedbe projekta JPP-a.

**POGLAVLJE IV – ODOBRAVANJE PROJEKATA JPP-a**

**Članak 11.**  
**(Povjerenstvo za JPP )**

- (1) Vlada Kantona, odnosno načelnik općine imenuje povjerenstvo za JPP vodeći računa o tome da u njemu budu zastupljeni predstavnici onih javnih tijela koja, s obzirom na svoju nadležnost, mogu doprinijeti uspješnoj provedbi projekta JPP-a.
- (2) Nadležnosti povjerenstva su sljedeće:
- a) razmatra inicijativu javnih tijela i

- privatnih partnera za provedbu projekata putem JPP-a;
- b) utvrđuje da li projekt zadovoljava obilježja JPP-a iz članka 2. Ovog Zakona i podobnost za uvrštavanje na listu projekata JPP-a;
  - c) predlaže Vladi projekte JPP-a na odobrenje;
  - d) provodi postupak odabira privatnog partnera;
  - e) izvještava Vladu o provedbi projekata JPP-a;
  - f) predlaže poboljšanje zakonskog okvira JPP-a.
- (3) U izvršavanju ovlaštenja i dužnosti iz stavka 2 ovog članka, povjerenstvo je dužno prikupljati informacije radi procjene koji radovi ili usluge mogu biti izvedeni kroz JPP i vrednovati ekonomske, tehničke, pravne i ostale aspekte od značaja za JPP.
- (4) Za obavljanje određenih stručnih poslova povjerenstvo može, uz prethodnu suglasnost Vlade, po potrebi angažirati stručne osobe ili eksperte za ekonomsko-financijsku, pravnu ili tehničku oblast.

**Članak 12.**  
**(Sredstva za rad povjerenstva)**

- (1) Sredstva za rad i obavljanje poslova iz djelokruga povjerenstva osiguravaju se u Proračunu Kantona, odnosno općine.
- (2) Povjerenstvu pripada naknada koju određuje Vlada, odnosno načelnik općine.

- (3) Vlada će osigurati sredstva za rad i ostvarivanje nadležnosti povjerenstva iz proračuna Kantona na posebnoj poziciji Vlade, odnosno proračuna općine.

**Članak 13.**  
**(Spisak projekata JPP-a)**

- (1) Vlada Kantona i općinski načelnik utvrđuju spisak projekata koji će se sprovesti kroz oblike JPP-a, koji se objavljuje na njihovoj web-stranici ili na drugi način.
- (2) Uvrštavanje projekta na spisak je preduvjet da bi projekat mogao biti sproveden putem JPP-a.
- (3) Prijedlog za uvrštavanje projekta na spisak može dati javno tijelo ili privatni partner tijekom kalendarske godine.
- (4) Prijedlog iz prethodnog stavka obvezno sadrži studiju opravdanosti projekta čiji je obvezni sadržaj:
  - a) kratak opis projekta,
  - b) model JPP-a,
  - c) ekonomske i financijske pokazatelje projekta, uključujući uporednu analizu troškova javnog sektora sa troškovima koje bi javni sektor imao u provođenju tog projekta u slučaju klasičnog proračunskog financiranja u predviđenom vremenskom razdoblju,
  - d) neophodna financijska sredstva iz Proračuna Kantona ili jedinice lokalne samouprave, odnosno ne-

- ophodna finansijska sredstva koja treba da osiguraju ustanove ili poduzeća u njihovom vlasništvu,
- e) pravni status vlasništva projekta,
  - f) rizike provedbe projekta, kao i
  - g) druge potrebne elemente.
- (5) U cilju utvrđivanja prijedloga iz stavka 3 ovog članka i tržišnog interesa potencijalnih privatnih partnera za sudjelovanjem u provedbi projekata putem JPP-a, javna tijela mogu objaviti javni poziv za iskazivanje interesa za provedbu određenog projekta sa privatnim partnerom koji će svojim sredstvima financirati provedbu tog projekta. Javni poziv za iskazivanje interesa za provedbu određenog projekta putem JPP-a objavljuje se na web-stranici javnog partnera ili na drugi način.
- (6) U cilju utvrđivanja podobnosti projekata za uvrštavanje u spisak projekata, povjerenstvo je ovlašteno i dužno:
- a) zahtijevati od javnog tijela ili privatnog partnera bilo koju informaciju koja je potrebna za donošenje odluke o uvrštavanju projekta na listu projekata;
  - b) pažljivo pregledati prijedloge za JPP dobijene od javnih ili privatnih partnera ili pozvati javne ili privatne partnere da pažljivo pregledaju te prijedloge;
  - c) sarađivati sa javnim tijelima, posebno iz oblasti financija radi proučavanja cjelokupnih finansijskih
- obveza javnih tijela, a naročito budućih opterećenja vezanih za plaćanja koja se tiču JPP-a, pri čemu je saradnja sa komisijom obvezna.
- (7) Izgled i sadržaj liste projekata utvrđuje Vlada Kantona i općinski načelnik pri čemu se spisak predloženih projekata ažurira i mijenja.
- (8) Za svaki projekt uvršten na spisak, povjerenstvo je dužno sačiniti izvješće koji sadrži:
- a) finansijske, tehničke, socijalno-ekonomske i pravne razloge za davanje preporuke o korištenju partnerstva radi provedbe projekta;
  - b) postupak javnih tijela na pripremi odabira privatnog partnera, npr. finansijske i tehničke aktivnosti, pravni savjeti, priprema preliminarnih izvješća i nacrti ugovora;
  - c) procijenjeni dinamički plan aktivnosti odabira privatnog partnera;
  - d) procijenjeni proračun partnerskog projekta.

#### **Članak 14.**

#### **(Odluka o odobravanju projekta)**

- (1) Skupština Kantona na prijedlog Vlade Kantona, odnosno općinsko vijeće na prijedlog načelnika općine donosi odluku o odobravanju projekta sa spiska projekata ukoliko se istim ostvaruje javni interes.



(2) Sastavni dio odluke iz stavka 1. ovog članka obvezno sačinjava:

- a) naziv projekta
- b) naziv, matični broj, osobni identifikacijski broj (OIB) i adresu javnog partnera,
- c) ime osobe ovlaštene za zastupanje,
- d) svrhu i cilj projekta,
- e) opis projekta,
- f) opisni prikaz predloženog modela javno-privatnog partnerstva po kojem se predloženi projekat namjerava sprovesti,
- g) prijedlog postupka odabira privatnog partnera,
- h) ekonomske i finansijske pokazatelje projekta, uključujući uporednu analizu troškova javnog sektora sa troškovima koje bi javni sektor imao u provođenju tog projekta u slučaju klasičnog proračunskog financiranja u predviđenom vremenskom razdoblju,
- i) neophodna finansijska sredstva iz Proračuna Kantona ili jedinice lokalne samouprave, odnosno neophodna finansijska sredstva koja treba da osiguraju ustanove ili poduzeća u njihovom vlasništvu,
- j) pravni status vlasništva projekta,
- k) okvirnu podjelu rizika između javnog i privatnog partnera, kao i okvirnu kvantifikaciju tih rizika, procjenu vjerojatnosti nastajanja, te troškova koji iz njih proizlaze,

l) potrebne suglasnosti utvrđene drugim zakonima.

(3) Inicijativu za podnošenje prijedloga iz stavka 1. ovog članka može podnijeti svako javno tijelo.

(4) Visina finansijskih sredstava koja se izdvajaju iz proračuna javnog partnera ne mogu biti veća od 1% od ukupnih poreznih i neporeznih prihoda proračuna javnog partnera za jednu proračunsku godinu u kojoj se projekat sprovodi.

## **POGLAVLJE V - POSTUPAK ODABIRA PRIVATNOG PARTNERA**

### **Članak 15.**

#### **(Propisi na temelju kojih se vrši odabir privatnog partnera)**

(1) Postupak odabira privatnog partnera provodi se u skladu sa odredbama ovog Zakona, uz odgovarajuću primjenu Zakona o javnim nabavkama ili Zakona o koncesijama, u ovisnosti o oblasti na koje se projekat JPP-a odnosi.

(2) Organ za dodjelu ugovora u smislu Zakona o javnim nabavkama je Vlada Kantona, odnosno načelnik općine u čije ime postupa povjerenstvo.

(3) Ukoliko provedba JPP-a podrazumijeva davanje koncesije, postupak izbora privatnog partnera provodi se u skladu sa Zakonom o koncesijama, uz odgovarajuću primjenu odredbi članka 4. ovog Zakona koje se odnose na opće principe JPP-a.

(4) Član povjerenstva imenovan iz javnog tijela koje predlaže projekat JPP

-a obvezno se izuzima od glasanja prilikom donošenja odluke o odabiru privatnog partnera.

**Članak 16.**  
**(Kvalifikovanost privatnog partnera)**

Povjerenstvo je dužno provjeriti ekonomsku, finansijsku, tehničku i profesionalnu podobnost privatnog partnera po elementima iz odobrenog projekta JPP-a.

**Članak 17.**  
**(Odlučivanje o usklađenosti dokumentacije za nadmetanje)**

- (1) Povjerenstvo je prije pokretanja postupka izbora privatnog partnera, dužno Vladi Kantona dostaviti ovjerenu presliku dokumentacije za nadmetanje na ocjenu i odobrenje.
- (2) Vlada donosi Odluku o usklađenosti dokumentacije sa odobrenim projektom JPP-a u roku koji ne može biti duži od 30 dana od dana zaprimanja cjelokupne dokumentacije iz stavka (1) ovog članka.
- (3) Povjerenstvo postupak izbora privatnog partnera može pokrenuti samo na temelju odluke Vlade iz stavka (2) ovog članka.

**POGLAVLJE VI - NADZOR**

**Članak 18.**  
**(Nadzor nad provedbom projekata JPP-a)**

- (1) Nadzor nad provedbom odobrenih projekata JPP-a, pored organa čija je nadležnost propisana drugim zak-

nima, vrši javno tijelo iz čije oblasti se provodi JPP, koje je dužno dostavljati redovita izvješća Vladi o statusu projekta, a posebno o dinamici i stupnju provedbe.

- (2) Vlada u svakom momentu može zahtijevati od javnog tijela izvješće o statusu projekta.
- (3) Vlada najmanje jednom godišnje izvještava Skupštinu o dinamici i stupnju provedbe odobrenih projekata JPP-a.

**POGLAVLJE VII - PRAVNA ZAŠTITA**

**Članak 19.**  
**(Pravna zaštita u postupku izbora privatnog partnera)**

Pravna zaštita u postupku izbora privatnog partnera provodi se sukladno pozitivnim zakonskim propisima.

**Članak 20.**  
**(Spor o nadležnosti)**

U slučaju spora o nadležnosti iz JPP-a između Kantona i/ili lokalne samouprave, primjenjuje se arbitražno rješavanje spora.

**Članak 21.**  
**(Način rješavanja sporova)**

- (1) Za rješavanje sporova između stranaka koji nastaju na temelju ugovora o JPP-u, stvarno i mjesno je nadležan sud isključivo prema sjedištu javnog partnera.
- (2) Za rješavanje sporova koji nastanu između javnog i privatnog partnera iz stavka (1) ovog članka primjenjuju

se mjerodavni propisi koji se primjenjuju u sjedištu javnog partnera.

## POGLAVLJE VII - PRELAZNE I ZAVRŠNE ODREDBE

### Članak 22. (Donošenje podzakonskih i drugih pravnih akata)

- (1) Do utemeljenja povjerenstva sukladno odredbama članka 12. i 13. ovog Zakona, poslove iz nadležnosti istog će obavljati nadležno kantonalno povjerenstvo za koncesije ili drugo radno tijelo Vlade.
- (2) Ministarstvo za financije će najkasnije u roku od 60 dana od dana stupanja na snagu ovog Zakona donijeti pravilnik o sadržaju i načinu vođenja Registra ugovora o JPP iz članka 7. ovog Zakona.
- (3) Vlada će na prijedlog povjerenstva najkasnije u roku od 60 dana od dana stupanja na snagu ovog Zakona donijeti uputstvo o izgledu i sadržaju spiska projekata.
- (4) Vlada će na prijedlog resornog ministarstva donijeti uputstvo o načinu i uvjetima osiguranja finansijskih sredstava za provedbu projekata JPP-a.

### Članak 23. (Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Bosansko-podrinjskog kantona Goražde".

Broj:01-02-256/13  
03.04.2013.godine  
G o r a ž d e

PREDSJEDATELJ  
SKUPŠTINE  
Suad Došlo,v.r.

## 329

Na temelju Amandmana XXX stavak 3. i XXXI na Ustav Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 8/98, 10/00 i 5/03) i na temelju članka 10. stav 2. Zakona o Vladi Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 5/03), premijer Bosansko-podrinjskog kantona Goražde, **d o n o s i**:

### O D L U K U o razrješenju ministra za boračka pitanja u Vladi Bosansko - podrinjskog kantona Goražde

#### Članak 1.

**Osman Subašić** se razrješava funkcije ministra za boračka pitanja u Vladi Bosansko-podrinjskog kantona Goražde.

#### Članak 2.

Razrješenje postaje punovažno danom potvrđivanja od strane Skupštine Bosansko-podrinjskog kantona Goražde.

#### Članak 3.

Odluku objaviti u "Službenim novinama Bosansko-podrinjskog kantona Goražde".

Broj:02-05-141/13  
29.03.2013.godine  
G o r a ž d e

P R E M I J E R  
Emir Frašto,v.r.

## 330

Na temelju poglavlja IV. odjeljak